

又

氣清無我妙用真火燒見巨初結成金果

又

多憎傷行多事傷神多欲傷命多迷亂真

又

事少心靈念少無拘明少多愚濁少通書

又

妙道希夷無著無離自然明了賢聖皆知

詞

上節使同知洎官眾道友並口號

道藏輯要

仙樂集

三

胃集四

物物心休道眼開

胎仙養就泛瓊盃

自然頓醒陰陽外

跨鶴真昇難再來

江神子

道心不與世心同悟知空物塵容達理明真應變自然通憎愛  
是非都不染遊福地伴松峯鍊成鶴體碧霄中任西東訪蓬  
宮出了陰陽仙壽永無窮海變松枯真不朽超三界從仙翁

今日瓊林花正開

十分真樂飲三盃

逍遙酩酊何方去

蓬島仙鄉去又來

上平西

想百年如一夢幾多時妙希夷只是些兒諸公可信日常萬物

意無私住行坐臥真平等應變真慈 崇仙道明仙埋通仙妙  
謝仙師在靈峯閑採靈芝洞天清隱周天十二坎迎離三田功  
滿朝元去卻蛻行屍

又

到仙園松筠翠牡丹紅樂清歡幾箇人同且忘世夢轉頭萬事  
一場空月圓月缺如憂喜悟愛心慵 眞閑好得閑趣通閑妙  
覺閑通運卦爻識祖明宗許君龐氏了然先到碧霄中諸公依  
此崇眞道逢島相逢

又

戀恩親恩生害死難逃氣不來身臥荒郊改頭換面輪回販骨

道藏輯要

仙樂集

三

胃集四

幾千遭世華非堅如石火火宅囚牢 任雲水登雲路遊雲外  
玩雲濤厭錦衣喜掛麻袍清平道德修完性命隱蓬茅他年蛻  
殼朝賢聖名列仙曹

又

想人生老與少似春秋恰幼年卽變白頭莫爭空假無常氣斷  
臥荒邱大都三萬六千日多病多愁 崇眞道敬眞聖明眞理  
了眞修侍一尊至孝全家拔宅功成同去到瀛洲出離生  
死無來去闔苑清遊

滿庭芳

三十年間幾番寵辱細思往事慵言也曾牒發曾受